



Detalj s privođenja osumnjičenih

(Foto: SIPA)

Tužilaštvo Bosne i Hercegovine

Predložene mjere zabrane dilerima

Drogu prodavali u BiH i Hrvatskoj

Tužilaštvo BiH uputilo je Sudu BiH prijedlog za određivanje mjera zabrane Draganu Šarencu, Slobodanu Kilibardu zvanom Cicko, Rudolfu Peharu zvanom Rudo, Edinu Kresi, Saćiru Hamšiću, Edibu Bajrektareviću, Đorđu Tamindžiji, Draganu Dragoviću i Vladimiru Sočeu, koji se terete za organizirani kriminal i neovlašteni promet drogom.

Pripadnici Agencije za istrage i zaštitu (SIPA) devetericu dilera uhapsili su prethodno u akciji kodnog naziva "Kazanova" na području Mostara, Trebinja, Nevesinja i Jablanice, nakon čega su ih predali Tužilaštvu BiH.

Oni se sumnjice da su postali članovi kriminalne grupe

koja je organizirana radi nabavke, prebacivanja i prodaje heroina i marihuane na području Bosne i Hercegovine i Republike Hrvatske.

Nakon ispitivanja osumnjičenih, postupajući tužilac predložio je određivanje mjera zabrane putovanja u inozemstvo, izdavanja putne isprave BiH i predaje putnih isprava BiH ako ih posjeduju, zabrane korištenja lične karte za prelazak državne granice, zabrane sastajanja s drugim osumnjičenim osobama u predmetu, kao i obavezno javljanje u nadležnu policijsku stanicu jedanput sedmično. Tužilaštvo BiH nastavlja istragu u ovom predmetu s ciljem podizanja optužnice. **D.Ž. Bl.**